

Hwb o £9.8 miliwn i fioamrywiaeth Cymru

25/03/2021



[Wales](#)

[Landscapes, parks and nature](#)

Mae safleoedd naturiol gwarchoddedig a chynefinoedd bywyd gwylt hanfodol Cymru - o Aber Hafren i Rostiroedd Llandegla - yn cael hwb gan gynllun grant newydd.

Gwella cyflwr rhwydwaith Cymru o safleoedd gwarchoddedig

Bydd y Gronfa Rhwydweithau Natur yn darparu grantiau rhwng £50,000 - £500,000 i brosiectau sy'n gweithio o fewn ffiniau safleoedd naturiol gwarchoddedig Cymru. Byddwn yn cynnal y cynllun ar ran Llywodraeth Cymru.

Bydd y cyllid yn rhoi cymorth i rai o rywogaethau anifeiliaid a phlanhigion mwyaf poblogaidd Cymru.

"Mae'r cyllid y mae Llywodraeth Cymru wedi'i ddarparu i'r rhwydwaith safleoedd gwarchoddedig yn gam hanfodol wrth amddiffyn ac adfer yr ardaloedd hyn a'n helpu i gryfhau rhwydweithiau ecolegol gwyrdd" *Lesley Griffiths, Gweinidog yr Amgylchedd, Ynni a Materion Gwledig.*

Mae'r safleoedd gwarchoddedig yn gartref i rywogaethau eiconig - fel y dyfrgi, y dolffin trwyn potel a'r morlo llwyd, ochr yn ochr â'r llai adnabyddus - fel y planhigyn petallys a'r falwoden troellen.

Maent hefyd yn gartref i ystod eang o adar, gan gynnwys pâl yr Iwerydd sydd mewn perygl difrifol.

Yn ogystal, mae'r safleoedd yn diogelu bron i 70 o rywogaethau a mwy na 50 math o gynefin sy'n wynebu bygythiadau ledled y byd.



Sol a Flynn yn gweithio yng nghoedwig Craig Gwladus

Cam hanfodol

Dywedodd Lesley Griffiths, Gweinidog yr Amgylchedd, Ynni a Materion Gwledig: "Mae Cymru â gweddill y byd yn wynebu argyfwng natur gyda chyflwr ein bywyd gwylt a'n cynefinoedd naturiol yn dirywio gan fygwth difodiant i rai o'n rhywogaethau mwyaf eiconig.

"Mae'r cyllid y mae Llywodraeth Cymru wedi'i ddarparu i'r rhwydwaith safleoedd gwarchoddedig yn gam hanfodol wrth amddiffyn ac adfer yr ardaloedd hyn a'n helpu i gryfhau rhwydweithiau ecolegol gwydn.

"Mae hyn yn rhoi gwell cyfle i ni fwynhau ac i'n llesiant meddyliol elwa o ein bywyd gwylt a'n parciau cenedlaethol hardd heddiw ac i'r dyfodol.

"Mae lleoedd fel Ardaloedd Cadwraeth Arbennig, Ardaloedd Gwarchodaeth Arbennig a Safleoedd o Ddiddordeb Gwyddonol Arbennig yn hynod bwysig i fywyd gwylt a threftadaeth naturiol Cymru.

"Maen nhw'n gonglfeini i'n gwaith adfer natur, ac maen nhw'n amddiffyn ystod, ansawdd ac amrywiaeth rhai o'n rhywogaethau pwysicaf. Edrychaf ymlaen at weld y prosiectau cyffrous sy'n codi o'r gronfa sydd - ochr yn ochr â'r gwaith arall y mae Llywodraeth Cymru yn ei wneud, yn

adeiladu adferiad gwyrdd ac iach o coronafeirws. "



Golygfa o fryn ar Ynys Sgomer

Adferiad gwyrdd

Dywedodd Andrew White - Cyfarwyddwr Cronfa Treftadaeth y Loteri Genedlaethol yng Nghymru: "Mae safleoedd gwarchoddedig yn chwarae rhan hanfodol wrth mynddroi effeithiau newid yn yr hinsawdd ac rydym wrth ein bodd ein bod yn gweithio gyda Llywodraeth Cymru i gefnogi adferiad gwyrdd Cymru drwy'r Gronfa Rhwydweithiau Natur.

"Bydd y Gronfa Rhwydweithiau Natur hefyd yn cefnogi cymunedau yn y safleoedd gwarchoddedig ac o'u cwmpas i gymryd rhan yn y gwaith hanfodol hwn. Bydd cymryd rhan yn rhoi buddion uniongyrchol i iechyd a llesiant y cymunedau rhain ynghyd â gwella gwytnwch y safleoedd."

Rhagor o wybodaeth

Mae'r Gronfa Rhwydweithiau Natur yn agor ar 12 Ebrill. Darllenwch y [canllawiau gwenud cais](#) am ragor o wybodaeth.

Gallwch hefyd ymuno â un o'n gweminarau:

[30 Mawrth 4.30pm-5.30pm](#)

[6 Ebrill 11.00am – 12.00pm](#)

Efallai y bydd gennych chi ddiddordeb hefyd mewn ...

Natur yn ffynnu ym Mhen-Bre diolch i grant Lleoedd Lleol ar gyfer Natur

My School, My Planet at Whinhill Primary, Inverclyde

Nature restores hope for children disproportionately impacted by COVID-19

[Delwedd CGI o Bont Gludo Casnewydd wedi'i hadfer](#)

[Hwb o £8.75miliwn i Bont Gludo Casnewydd](#)